

seemavane

seemavane ka becenge, 'ikay kongadavane ka sawkoa makociagay ka sadodoko'o.

ma'akacavilinga no piton na dramae kyataleke na becenge laso titabesengane, pasiepengenga kita nakay cicavili, lasyakay driyane twaomana na ba'oane nacavili, maycenge na be'ase ka 'iyakay 'adrosa, sesesane ka pawsyame ko sakadrosa ka becenge, maka ko maycecege papagay ka iigo'onga kita ko tayanidra, amanimani na becenge ko toloanini na semavane maolay ka taiyanidrala ta'athay sesane.

seemavane bebecenge no bicingimade na maodrange 'apobaka, kikay semavane bebecenge ka saba'ayni ki talipelepelengne ko pepelenge, si lakamanimatinga kongadavane ka wadoko'o na seemavane, ko bobooane ko 'akamokamolitala ka, na becenge ka kanekaneta ka sakabaane, becenge ka lakamani no talegesane ka makocingay ka sa'ace'acebe, ikamanimani 'asaka'ava'ava, saboboini na tacekecekelane na thabathabae, mathaa na tacekecekelanimi, tidike'ee na maaodrange, mathai ma'akadaladalame aminakay ko toloanini.

maodrange ka 'apobaka kikay seemavane bebecenge ka saba'ay ni na palenge, adri tisa'aninivane twangetangebe, amiya na nyakita ka sakabaane, na sa'oalay no bwa'ayni bebecenge na keai, kadalamini ko baobaw amiyana lrigi tidike'ee, maowane ma'akadaladalame, tidike'e na nyakita, amiya kita na waboboo na thabathabae no 'awcaymade, ka pata'adringay dwapimade ka latikadringay kimade 'angiyaw bicicingi saboboini na maodrange, mataomanamana congolo na takaagi'ane, maowane 'asaseane ko kidredremita ta'athay sesane. saboboini namya ko maodrange ka tyadike'ee kimade na talimodoo. patisoagi'i na sana'awcaw pa'ingcege na la'osaymade, itidromadroma kimade twanange na coaw tidike'ee kimade na ta'acoavanimade. masekaseka'a lakamolo lasodoo kimade 'akacoavane, kipakileve.

黑小米

黑小米是多納部落重要的農作物。每年七月會舉行收穫祭，作為一個年度的終止，並藉此迎接新的一年。黑小米據耆老口述，是由深潭裡的神明贈送的黑小米種子，相傳也只有多納部落才有種植黑小米，除了是過去傳統社會裡主要食物，更是在慶典時是非常重要的贈禮。

長輩們說，黑小米是神明所賜，象徵著族人的命脈，男士贈給心儀的姑娘，代表著禮貌及情感交流，同時也是教育年輕人做人要踏實，遵循長者的鼓勵，代代薪傳，祥和至今。